

Eyjafjarðarsveit
Skipulags- og byggingarfulltrúi
Skólatröð 9, Hrafnagilshverfi
601 Akureyri

Reykjavík 3. júlí 2018
UST201805-213/K.S.J.
10.04.02

Efni: Aðalskipulag Eyjafjarðarsveitar 2005 - 2025 - Tjarnavirkjun

Vísað er til erindis skipulags- og byggingarfulltrúa Eyjafjarðarsveitar er barst 22. maí sl. þar sem óskað er umsagnar Umhverfisstofnunar um tillögu að breytingu á aðalskipulagi Eyjafjarðarsveitar 2005 – 2025 á svæði fyrir 1MW vatnsaflsvirkjun í landi Tjarna, Hólsgerðis og Halldórsstaða. Eins og fram kemur í upphafi greinargerðar er vatnsaflsvirkjunin framkvæmd sem tilkynna þarf til Skipulagsstofnunar skv. lögum nr. 106/2000 um mat á umhverfisáhrifum. Niðurstaða Skipulagsstofnunar var sú að áætluð framkvæmd er ekki líkleg til að hafa í för með sér umtalsverð umhverfisáhrif. Áætlað er að virkjað fall verði 50 m og að virkjað rennsli verði um 2,8 m³ /s.

Virkjanasvæðið


Í greinargerð kemur fram að aðalskipulagsbreytingin feli í sér að 12 ha svæði verði breytt úr landbúnaðarlandi í iðnaðarsvæði.


Umhverfisáhrif

Í greinargerð kemur fram að áhrif áætlaðra framkvæmda á fuglalíf eru talin óveruleg og að áhrifin verði aðallega á straumönd. Umhverfisstofnun bendir á að gæta þarf að því á varptíma að raska ekki varpi straumandar.

Að mati Umhverfisstofnunar er mikilvægt að vinnubrögð verði vönduð við gerð virkjunarinnar og að forðast verði allt óþarfa rask.

Virðingarfyllst


Kristín S Jónsdóttir
Sérfræðingur


Agnar B Bragason
Teymisstjóri